

առնելիքն իւր համեմատ վճռոյն իւրոյ կարող է խնդրել դատաստանէն ըմբռնել անձն, կամ ստացուածքն պարտականին:

Գ Լ ՈՒ Ն ՄԺ.

Ամենայն գանգատող որ ըմբռնելով անձն պարտականին և մուծանելով 'ի բանտ ստացուածքն պարտականին ազատ լինի և բանտ արկեալն կացցէ և մնացէ 'ի բանտի մինչև հատուցանէ յետին լումանն պարտուց իւրոց:

Գ Լ ՈՒ Ն ՄԺԱ.

Ամենայն գանգատող եթէ ըմբռնեսցի ստացուածքն պարտականին իւրոյ անձն պարտականին ազատ մնացցէ, մինչև հաւաքելով ամենայն ստացուածքն պարտականին, եթէ ոչ բաւեսցի պարտուց նորա, յայնժամ կարող է ըմբռնել անձն պարտականին և մուծանել 'ի բանտ և դարմանել նմայ ըստ Օրինօք մինչև մին տարի, յետ մին տարուց եթէ պարտականն ընդունեսցի տալ նմայ նոր թուղթ պարտուց երիս ամաց ժամանակաւ տացէ և ելցէ 'ի բանտէն եթէ ոչ կացցէ 'ի բանտի մինչև երիս ամս, յետ երից ամաց ազատ լիցի ելցէ եթէ պարտն լիցի մինչև հարիւր դահեկան, եթէ յաւելի մնացէ 'ի բանտի մինչև հատուցանիցէ: